

Kolosi

Pol Kolosi bin bɪ kɪrop mɪj ñu kɪl tɪkək

¹⁻² Yad Pol. God ne ke yɪp ag lek, Krais Jisas mɪnɪm dad ameb bɪ alap mɪdebɪn. Pen mɪñi mam cɪn Timoti yad eip mɪdeb nɪŋlɪg gɪ, nɪbep Krais Jisas nop nɪŋ dɪl cɪg tep gɪl ai mam taun kɪb Kolosi mɪdebɪm okok, mɪj nɪbaul ñu kɪl tɪkebɪn.

God Bapi cɪn nɪbep yɪmɪg nɪŋɪl dɪ tep gek, mɪd tep gɪnɪmɪb.

Pol Krais bin bɪ Kolosi okok sobok gɪl, God nop tep agak

³⁻⁴ Agel nɪpɪn, nɪbi Krais Jisas nɪŋ dɪl cɪg tep gɪl, bin bɪ nop nɪŋ dɪpal okok kɪrop magɪlsek mɪdmagɪl lɪpɪm. Nɪb ak, sobok gɪl, nɪbep gos nɪŋɪl, per nep God Bɪ Kɪb cɪn Jisas Krais Nap ne ak nop tep apɪn. ⁵ Karɪp lɪm seb kab ar alaŋ sɪŋək amɪl tap tep dɪnɪgabɪn, agɪl gos nɪpɪm ak me, nɪbi Krais Jisas nop cɪg tep gɪl, bin bɪ ne okok mɪdmagɪl lɪpɪm. Mɪnɪm nɪŋɪd, Krais mɪnɪm tep ak, ned apek, tap tep nɪbep seb kab ar alaŋ sɪŋək mɪdeb ak bɪr nɪpɪm.

⁶ Ned yɪb Krais mɪnɪm tep ak nɪŋɪl, God bin bɪ okok yɪmɪg nɪŋɪl dɪ tep gɪp mɪnɪm yɪpɪl yɪb ak nɪŋɪl, nɪbi ke ausek nɪŋ dɪpɪm ñɪn ak tɪkek, Krais mɪnɪm tep ak nɪbep nab adaŋ magɪl pɪlɪl kɪb tanɪl ameb rek ak, nɪb aknɪb rek nep me, karɪp lɪm tɪgoŋ tɪgoŋ kɪd kɪd magɪlsek okok, Krais mɪnɪm

tep ak amil bin bi nab kiri adan magil pilil kib tanil ameb.

⁷ Epapras, cin eip min wög gil, Krais nop wög per gi tep gip ak, nibep ned yib Krais minim tep ak ag ñak. Nig gak ak, cinop gi ñak. ⁸ Epapras siñaul apil, Kaun nibep nab adan midek niñlig gi bin bi okok midmagil lipim ak, cinop ag ñak.

⁹ Nib ak, Epapras ne ned yib cinop minim ag ñek niñnok ñin ak tikek, nibep nen agil God nop per nep sobok gipin. God nop sobok gil apin, nop tep ginimij ar ak nep, Kaun ne nibep gos ñek nibi gos niñ kid yikil tap tari God nop tep ginigab ak niñ tep ginimib, apin. ¹⁰ Nib ak, Bi Kib bin bi ne yib rek gi midil, nop tep ginimij ar ak nep gem amnimij. Nig gil, tap tep ke ke konai nep gi damil, God ne tigep bi rek mideb ak niñ tep yib ginigabim. Nig gem, tap magil konai nep pilnigab. ¹¹ God ne Bi kilis aknib ke yib melik sek mideb ak, ne kilis ne magilsek nibep ñek, nibi kilis ne dil, miker ognap apek gos nibak ma niñil, gos sek midil, min min gilig gi, ¹² Bapi nop tep aglig gi midenimib. Krais bin bi ne karip lim per melik gip siñak tap tep dinigal ak, Bapi ne nibep gek, nibi ak rek nep tap tep nibak dinigabim. ¹³ Seten, bi kislum pis okok kod mideb ak, cinop nag ñon gi kilis gek midonok ak pen God ne cinop wisib yokek, mini Nib midmagil ne cinop di tep gil kod mideb. ¹⁴ Nib ne nep cinop nen agil kimil, min midonok ak wisib yokip; ne tap si tap timel gipin okok niñil kirig gip.

Krais tap okok magilsek kod mideb

¹⁵ Nap God nop m̃sɛŋ ñɲjɲɲ rek ma lɪp ak pen Ñi ne me Nap rek m̃ɔdeb. Bin bi okok tap okok ma gi lak ñɲɲ ak, Ñi Nap eip m̃ɔdek. Bin bi okok tap okok magɪlsek piyak rek m̃ɔdeb; Krais ne ar i pelokok m̃ɔdeb. ¹⁶ Tap seb kab ar alaŋ okok abe, tap lɪm dai ar wagiŋ aul abe, tap uɔɲɲ ñɲɲɲ okok abe, tap uɔɲɲ ma ñɲɲɲ okok abe, kaun tap okok kod m̃ɔdebal okok abe, magɪlsek ne nep gi lak. Gi lak ak, Krais yiɔ ne agel ar amɲɲm̃ɲ agɪl gi lak. ¹⁷ Karɪp lɪm biɲarɪk ped okok ma gi lak ñɲɲ ak, Krais m̃ɔdek. Ne m̃ɔdeb ak me, tap okok magɪlsek kau kiɲi ke m̃ɔɔɪl jɪm ñɪl m̃ɔdeb. ¹⁸ Krais ne nabɪc won rek m̃ɔdeb; bin bi ne okok, c̃ɔc ak, m̃ɪb goŋ ne m̃ɔdeb. Ne gek c̃ɔc m̃ɪb goŋ komɲ m̃ɔdeb. Ne wagiŋ giɪl kiɲɪl kauyaŋ warɪkak ak me, tap tari tari m̃ɔdeb okok piyak rek m̃ɔdeb; ne nep ar i pelokok m̃ɔdeb. ¹⁹ God gos ne ke ñɲɲɪl gek, God ne m̃ɔdeb rek nep, Krais ñɪb akɲɪb rek nep m̃ɔdeb. ²⁰ Ñɪb ak, tap tari tari lɪm dai ar wagiŋ aul m̃ɔdeb abe, karɪp lɪm seb kab ar alaŋ siŋak m̃ɔdeb abe, tap okok magɪlsek God eip jɪm ñɲɲɲm̃ɲ rek lɪp. Ned tap okok God nop kauɪl mauɪl rek m̃ɔdolɪgiɲ. Pen Ñi ne, Nap ne ke m̃ɔdeb rek nep m̃ɔɔɪl, mab kros bak alaŋ lakaŋ yaɲek kiɲɪl, m̃ɲɲi tap okok magɪlsek God eip di jɪm ñɲɲɲm̃ɲ rek lɪp.

²¹ Ñɪbi ned tap si tap tiɲel gos ñɲɲɪg gi, ñɪb akɲɪb rek nep giɲg gi m̃ɔɔɪl, God bin bi ñag ñɲɲeb ne m̃ɔɔɪl, par okok rek m̃ɔdeligiɲm̃. ²² M̃ɲɲi pen Ñi ne m̃ɪb goŋ lɪl kiɲmak rek, ñɪbep di ne ke eip jɪm ñɪl lek, karɪp lɪm ne seb kab ar alaŋ siŋak amɪl, God uɔɲɲ yiɲɪk ar ne siŋak bin bi siŋ, bin bi asiŋ ma m̃ɔdeb, bin bi m̃ɲɲɲm̃ alap ma m̃ɔdeb,

midenigabim. ²³ Pen nibi Krais minim tep nin dipim ak, karip sap rek nin dilig gi midil, God tap tep nibep ninigab ak gos midmagil nibi nab adan kilis dil gos ninlig gi midenimb. Minim tep nibep agel nipim nibak, nibep nep mer, bin bi karip lim okok kid kid magilsek ag nel amb. Yad Pol ak rek nep wög ar nibak nep gipin.

Pol Krais nop wög gek

²⁴ Nibep nen agil Krais minim tep ag nen yip gi timel gel miker dipin ak, mini yad min min gipin. Krais ne ke miker kib yib dak ak rek, Krais bin bi miker kib yib dinimel, agil, Krais mib gon ne ak, cöc ne ak gi ninim, agil, mib gon yad miker ognap dipin.

²⁵ God yip ag lek, nibep God Minim ak magilsek ag ni tep gipin ak me, cöc ne ak nop wög gi neb bi alap midebin. ²⁶ Minim tep nibak birarik okok mi konai yib we gil midoligip pen mini God ne Krais bin bi ne kirop minim nibak misen lip.

²⁷ God gos ninil minim ag lak ak, minim tep yib, minim melik sek we gil midoligip ak, bin bi okok magilsek ninimel, agil, bin bi ne kirop misen yomnigab. Minim tep nibak wagin ak nig gil mideb: Krais midmagil nibep nab adan mideb; nib ak nibi karip lim seb kab ar alan sinjak amil, God melik ke sek sinjak mideb eip per midenigabim. ²⁸ Nib ak, cin Krais nep ag nibin. Kiri magilsek Krais nop cig tep gilig gi, minim ne nin tep gil, ageb rek nep gilig gi midenigal agil, cin gos nin tep gil bin bi okok kirop magilsek timid ukil, Krais minim tep ak ag nibin. ²⁹ Ar

nɪbak nep, Krais kɪlɪs tɪmel ne ke magɪlsek yɪp
 ñɪb ak dɪl, kɪlɪs gɪl wög ne gɪlɪg gɪ mɪdebin.

2

Nɪbep mɪnɪm tom agenɪmel ak ma nɪŋ dɪnɪmɪb

¹ Pen nɪŋɪm! Nɪbi Kolosi bin bɪ okok abe, Leodisia bin bɪ okok abe, bin bɪ ognap sek mɪlɪk dai yad ma nɪpal okok abe, mɪd tep gɪnɪmɪb, agɪl, wög kɪlɪs yɪb gebin. ² Kɪri gos sek mɪdɪl, gos nokɪm alap nep nɪŋɪl, pen pen mɪdmagɪl lɪl, gos nɪŋ kɪd yɪkɪl, God Mɪnɪm we gɪl mɪdolɪgɪp ak magɪlsek nɪŋ tep gɪnɪmel, ag gos nɪpin. God Mɪnɪm we gɪl mɪdolɪgɪp ak Krais. ³ Krais nop nab adan nep God gos tep tep magɪlsek we gɪl mɪdeb ak me, ne ke nep God gos tep nɪbak mɪsɛŋ lɪnɪmɪŋ rek lɪp.

⁴ Bin bɪ ognap tom agɪl, mɪnɪm kɪl tep ognap agel nɪŋlɪg gɪ, mɪnɪm esek kɪri nɪbak nɪŋ dɪnɪmɪb rek lɪp, agɪl, nɪbep mɪnɪm nɪbaul ag ñɪ tep gɪnɪm. ⁵ Yad karɪp lɪm par sɪŋaul mɪdebin ak pen gos yad ak nɪbep pɪs ar mɪdek nɪŋlɪg gɪ, nɪbep gos nɪŋlɪg gɪ mɪdebin. Pen nɪbi Krais nop nɪŋ dɪ kɪlɪs gɪl, kapkap mɪdɪl, jɪm ñɪl mɪdebɪm ak, yɪp tep yɪb gɪp.

Cɪn Krais eɪp mɪdɪl ne ageb rek nep gɪn

⁶ Nɪbi Jisas Krais nop nɪŋ dɪl, Bɪ Kɪb cɪn agɪl dɪpɪm ak me, ar nɪbak nep nɪŋɪl gem amnɪmɪŋ. ⁷ Nɪbi Krais nop cɪg tep gɪl, mɪnɪm nɪŋɪd ne ag ñel nɪpek ak nɪŋ dɪ kɪlɪs gɪl, ageb rek nep gɪl, God nop tep aglɪg gɪ nep mɪdenɪmɪb.

⁸ Pen nɪŋ tep gɪnɪmɪb. Bin bɪ ognap nɪbep mɪnɪm yokop mɪnɪm esek agel, nɪbi mɪnɪm esek

nibak dıl kîd kîri okok amnîmîb rek lîp. Mînim yokop mînim esek apal ak, based sîkop kesîm kîri abe, kaun tîmel tap okok lîm dai wagîn aul kod mîdebal okok kesîm abe dıl apal. Krais mînim tep ak dıl ma apal. ⁹ Tari gîng: Krais mîb gon sek mîdeb ak pen God mîdeb rek ak, Krais ne nîb aknîb rek nep mîdeb. ¹⁰ God ne gek, nîbi Krais nop cig gîl, nop eip jîm ñîl mîdîl, komîng yîb mîdebîm. Ne nep me, kaun tîmel tap okok lîm dai wagîn aul kod mîdebal okok magîlsek ar i pelokok mîdeb.

¹¹ Nîbi Krais eip jîm ñîl mîdebîm ak me, nîbi bîr Juda bin bî wak tîb gî rîk gîpal rek ak mîdebîm. Juda bin bî okok tu ñîlîk ñînmagîl dıl wak tîb gî rîk gîpal, pen Krais eip jîm ñîl mîdebîm ak me, ne tap si tap tîmel göligîpîm nag ak tîb gî rîk gîp. ¹² Nîbep ñîg paklak ak, nîbep Krais eip tîgel gîlak; nîbi God kîlis ne Jîsas dî warîk ñak ak nîng dîpek ak me, God nîbep Krais eip dî warîk ñek, bin bî komîng kîsen nîb ne mîdebîm.

¹³ Nîbi ned tap si tap tîmel ar ak nep göligîpîm. Krais ne tap si tap tîmel göligîpîm nag ak tîb gî rîk ma gak ñîn ak, nîbi bin bî bîr kîmbal rek mîdebek. Pen God ne ke gek, mîñî nîbi Krais eip komîng mîdebîm. God tap si tap tîmel gîpîn ak magîlsek nîngîl kîrîg gîp. ¹⁴ Tap si tap tîmel gîpîn okok, lo mînim ke ke pen ñeb mînim ñu kîl tîklak ak, God dî mab kros bak alaŋ cîpîl pak lek, pîs nep dai juak. ¹⁵ Mab kros bak alaŋ Krais ne kaun tîmel tap okok lîm dai wagîn aul kod mîdebal okok mok ne okok lîl, bin bî okok nîng mîdel nîngîg gî, kîrop nag ñon gîl dî lîp gî dad amnak.

¹⁶ Nig gak rek, nibi tap magil ognap okok ñig ognap okok ñibem, bin bi ognap nibep ag sikol genimel, gos par ma niñnimib. Miñi God nop sobok gep ñin kib agil asik mosik ginigal ak kisen ma gem, nibep ag sikol genimel, gos par ma niñnimib. Miñi takin kisen apeb ñin kib agil asik mosik ginigal ak kisen ma gem, nibep ag sikol genimel, gos par ma niñnimib. Miñi Juda God nop sobok gep ñin kib agil asik mosik ginigal ak kisen ma gem, nibep ag sikol genimel, gos par ma niñnimib. ¹⁷ Krais ma owak ñin ak, tap nib okok kaunan rek niñil göligipal; pen tap yib ak Krais.

¹⁸ Nib ak, bin bi ognap apil, minim par lip gil, dai nipin rek, nibi nig nig ginimib, aka bin bi tam rek midenimib, aka ejol okok sobok agnimib, agenimel ak, minim kiri dil, God tap tep nibep ñinigab tap ak ma kirig ginimib. Bin bi nib okok, Krais minim tep ak ma nipal; gos kiri ke nep niñil, gos esek okok nib okok nib dil, cin bin bi kib agil, kesim yokop par yib dipal. ¹⁹ Bin bi nib okok, Krais nop kirig gil ar nibak ambal. Pen Krais ne nabic won midil, mib goñ ne ak, magilsek kidil gol rek jim ñil lil, tap tep ñil, kod mid tep gek niñlig gi, God nop tep ginimin rek ak, mib goñ kib gek gek ameb.

²⁰ Krais cig gipim ak me, nop eip kimil, kaun timel tap okok lim dai wagin aul kod midebal okok mok kiri okok ma midebim. Tap alap nibep gi timel ginimin rek kilis alap ma mideb. Nib ak, tari ginig bin bi okok gos nipal rek gos nipim?

²¹ “Tap ak ñinmagil ma dinimib! Tap ak ma niñnimib! Tap ak ma di niñnimib,” apal, ²² pen tap magil ñig tap apal tap okok magilsek ñibel kir

gɪnɪgab. Mɪnɪm kɪl tep ag ɲɪbal okok magɪlsek bin bɪ gos ke nɪɲɪl apal ar ak nep nɪɲɪl ag ɲɪbal.

²³ Bin bɪ nɪb okok, ejol abe sobok gɪn agɪl, bin bɪ yɪm gep rek mɪdon tep gɪnɪgab agɪl, tap asɪk mosɪk gɪl, koslam mɪdebal. Nɪg gel, bin bɪ ognap nɪɲel, mɪnɪm nɪɲɪd rek lɪnɪgab ak pen tap si tap tɪmel gep gos ak apek, tap esek okok nep gos nɪɲɪl, Krai nop cɪg ma mɪdebal rek, tap alap kɪlɪs ɲek, mɪb goɲ ke gos gɪp ak kɪrɪg gɪnɪmel rek ma lɪp.

3

God cɪnop gek, Krai eip warɪknok

¹⁻² Pen nɪbi Krai eip warɪkɪl komɪɲ kɪsen nɪb mɪdebɪm ak, lɪm dai ar wagɪn aul tap okok gos ak ma nɪɲɲɪmɪb. Gos kɪb nɪbi ak amnɪmɪɲ tap karɪp lɪm seb kab ar alaɲ mɪdeb okok. Krai ne warɪkɪl ar alaɲ sɪɲak amɪl, God ɲɪnmagɪl yɪpɪd pɪs ken ar ne sɪɲak bɪsɪg mɪdeb. ³ Nɪbi Krai eip kɪmbek ak me, komɪɲ mɪdep won nɪbi ak God Krai kɪrop apɪl mal eip we gɪl mɪdeb. ⁴ Komɪɲ mɪdep won nɪbi wagɪn ak Krai. Kɪsen ne apenɪgab ɲɪn ak, amɪl ne eip melɪk aknɪb ke sek mɪd tep gɪnɪgabɪm.

Ned mɪdelɪgɪpɪm ak ke, mɪɲɪ mɪdebɪm ak ke

⁵ Nɪb ak, tap tari mɪb goɲ gos gɪp ak ɲag pak lɪnɪmɪb. Bin si bɪ si gɪl, gos tɪmel nɪɲɪl, abramek gɪl, tap si tap tɪmel nep gɪn agɪl, agon kɪlnok kɪbap gol mani tap okok koɲai nep dɪn agɪl gem ma amnɪmɪɲ. Agon kɪlnok kɪbap gol mani tap okok koɲai nep dɪn ag gos nɪpal bin bɪ okok, kɪri bin bɪ tap esek sobok gɪpal rek nep mɪdebal. ⁶ Ar nɪb okok nep gel, God kɪrop kal juek, yur kɪb yɪb

dinigal. ⁷ Nibi ke ned nag timel ar nibak nep gos ninil, nib aknib rek nep göligipim. ⁸ Pen miñi nag timel ar ak pis nep yem ginimib. Ned mlik kal ninil, kal yib juil, gos timel ninil, bin bi okok kirok ag sikol gil, wasikil agil göligipim rek, miñi ma ginimib. ⁹ Minim esek pen pen ma agnimib. Krais eip kimbek ak me, gi timel göligipim nag ak nibep walij rek kom kam gak ak, cibur gos midmagil ned nib nibi ak, tig asik ke okok yokpim. ¹⁰ Cibur gos midmagil ned nib nibi ak tig asik yokil, cibur gos midmagil kisen nib nibi ak, walij rek tol gi lipim. Bin bi kisen nib midil, God nibep gi lak ak per nep gek, nibi ne ke mideb rek nep lil, nop nin tep yib ginigabim. ¹¹ God nig gak ak me, Grik bin bi okok ke, Juda bin bi okok ke ma midebal. Bin bi wak tib gi rik gipal okok ke, bin bi wak tib gi rik ma gipal okok ke ma midebal. Bin bi mij nu kil udin li nipal okok ke, bin bi mij nu kil udin ma li nipal okok ke ma midebal. Bin bi kasik okok ke, bin bi kibol okok ke ma midebal. Bin bi tau dam lel nag wög gipal okok ke, bin bi gos kiri ke ninil wög gipal okok ke ma midebal. Bin bi kisen nib midobin ak me, Krais ne ke nep cinop magilsek midmagil nab adanj midek ninlig gi, tap ognap magilsek tap yokop rek lip.

¹² God bin bi ne midebim. Ne nibep midmagil lil, bin bi ne ke ag lak. Nib ak, walij tol gi lipal rek, gi tep gep nag ak tol gi linimib. Bin bi okok kirok yimig ninil, di tep ginimib; yib nibi ke agem ar ma amnimin; bin bi sain tep midenimib; bin bi okok minim sisain agil kal ma junimib. ¹³ Krais bin bi ne ognap nibep gi timel genimel, kirok pen

gɪ tɪmel ma ɡɪnɪmɪb. Mɪnɪm ognap mɪdenɪmɪŋ, Bɪ Kɪb ne nɪbi tap si tap tɪmel ɡɪpɪm nɪŋɪl kɪrɪɡ ɡɪp rek ak, bin bɪ okok nɪbep ɡɪ tɪmel ɡenɪmel ak, nɪbi ak rek nep nɪŋɪl kɪrɪɡ ɡɪnɪmɪb. ¹⁴ Pen nɪbi nag tep nɪbak tol ɡɪ lɪl, sɔŋ ar pelak mɪdmagɪl lep magɪl ak tol ɡɪ lɪnɪmɪb. Bin bɪ mɪdmagɪl lep magɪl ak, tap tep okok magɪlsek kom kam dɪ jɪm ñɪl lek, tap tep alap ulep ma ɡɪnɪmɪŋ.

¹⁵ God nɪbep dɪl mɪb ɡoŋ nokɪm nep jɪm ñɪl lak ak, nɪbi kapkap mɪdɪl pen pen dɪ tep ɡɪnɪmɪb aɡɪl ɡak. Nɪb ak, Krais cɪbur sain sain ñɪb ak nop aɡ nɪŋɪl, mɪdmagɪl nɪbep nab adan cɪbur sain sain magɪl nɪbak lek, nɪbi kapkap mɪdɪl, tap tari nop tep ɡɪnɪɡab ak nɪŋnɪɡabɪm. Nɪb ak, nop tep aɡlɪɡ ɡɪ nep mɪdenɪmɪb. ¹⁶ Krais mɪnɪm tep ak nɪbep nab adan ap ran jakɪl rek mɪdenɪmɪŋ nɪŋlɪɡ ɡɪ, mɪnɪm ne ak nɪŋ tep yɪb ɡɪl me, pen pen aɡ ñɪ tep ɡɪlɪɡ ɡɪ, God Mɪnɪm dai Sam ognap, God yɪb ne dap raneb kɪmep ognap aɡlɪɡ ɡɪ, God nop tep aɡlɪɡ ɡɪ mɪdenɪmɪb. ¹⁷ Pen mɪnɪm aɡnɪɡ aka tari tari ɡɪnɪɡ, Bɪ Kɪb Jisas bin bɪ ne mɪdobɪn aɡɪl, God Jisas kɪrop apɪl mal tep aɡlɪɡ ɡɪ nep ɡem amnɪmɪŋ.

Krais bin bɪ ne okok mɪd tep ɡɪnɪmel

¹⁸ Nɪbi bin okok, nɪbi Krais nɪŋ dɪpɪm rek, nagɪmɪl sɪkop mɪnɪm aɡnɪmel rek kɪsen ɡɪnɪmɪb.

¹⁹ Pen nɪbi bɪ okok, bin nɪbi okok kɪrop mɪnɪm kɪlɪs aɡɪl ma aɡnɪmɪb; kɪrop mɪdmagɪl lɪnɪmɪb.

²⁰ Nɪbi ñɪ pai okok, nɪbi Krais nɪŋ dɪpɪm rek, nanɪm nap aɡnɪmir rek magɪlsek kɪsen ɡɪnɪmɪb. Nɪɡ ɡenɪɡabɪm God nop tep ɡɪnɪɡab.

²¹ Pen nɪbi nap sɪkop, ñɪ pai nɪbi okok kɪrop mɪnɪm kɪlɪs agɪl agem agem, gos tɪmel nɪŋɪl, mɪd tep ma gɪnɪmel rek lɪp ak, nɪŋ tep gɪnɪmɪb.

Bin bɪ mɪñ wög gɪpal okok; bɪ kɪb kɪri okok

²² Nɪbep bin bɪ, bɪ ognap mɪñ ñon gɪ dapel, kɪrop mɪñ wög gɪ ñɪbɪm okok, mɪnɪm ognap agnɪg gebin. Bɪ kɪb nɪŋ mɪdebal won ak nep nɪŋ mɪdel nɪŋlɪg gɪ wög gon, kɪrop tep gaŋ, agɪl ma gɪnɪmɪb. Gos omal ma nɪŋɪl, Bɪ Kɪb cɪn seb kab ar alaŋ ak nɪŋ mɪdeb rek, gɪ tep gɪn, agɪl, tep gek nɪŋlɪg gɪ gɪnɪmɪb. ²³ Nɪbi tap tari tari genɪgabɪm, bin bɪ lɪm dai ar wagɪn aul ognap kɪrop wög gobɪn, agɪl, ma gɪnɪmɪb; Bɪ Kɪb seb kab ar alaŋ ak nop wög gobɪn, agɪl, kɪlɪs gɪl gos tep nɪŋlɪg gɪ gɪnɪmɪb. ²⁴ Wög gɪ ñebɪm ak, Bɪ Kɪb Kraiɪs nop wög gɪ ñebɪm. Nɪbi nɪpɪm Bɪ Kɪb ne pen ñɪl nɪbep tap tep ñɪnɪgab. ²⁵ Pen God ne bin bɪ gɪ tɪmel gɪnɪgal okok mɪnɪm kɪb agnɪg, bin bɪ kɪb okok ke, bin bɪ sɪkol okok ke agɪl, mɪnɪm kɪb ma gɪnɪgab; ar nokɪm ak nep agɪl, yur ñɪnɪgab.

4

¹ Nɪb ak, nɪbi bɪ kɪb rek mɪdebɪm okok, Bɪ Kɪb nɪbi seb kab ar alaŋ mɪdeb ak gos nɪŋlɪg gɪ, bin bɪ nɪbep mɪñ wög gɪ ñɪbal okok kɪrop kod mɪd tep gɪl, tap kɪrop ñeb rek ak abramek ñɪnɪmɪb.

God nop sobok gɪlɪg gɪ mɪdenɪmɪb

² Nɪbi gos nɪŋ tep gɪlɪg gɪ, tep aglɪg gɪ, God nop sobok gɪlɪg gɪ mɪdenɪmɪb. ³ Cɪnop ak rek nep God nop sobok gɪlɪg gɪ mɪdem, God ne kanɪb yɪkek, Kraiɪs mɪnɪm tep we gɪl mɪdolɪgɪp ak bin bɪ okok kɪrop mɪsenj ag ñɪnɪgabɪn. Kraiɪs mɪnɪm tep ak

nep ag ñi ajen, yip miñ lel midebin. ⁴ Pen God nop sobok gem, yip kod medek niŋlig gi, minim nibak ag ñi tep gen, bin bi niŋ tep ginimel. Yad akniŋ rek nep ginim ak tep.

⁵ Nibi per nep gos niŋlig gi midem, kanib yiknimin, bin bi Krais nop ma niŋ dipal okok, nibi gos niŋ tep gilig gi, kirop di tep gil, Krais minim tep ak ag ñinimib. ⁶ Meg migan nibi ak dek sol dek kal rek lonimin. Niŋ gek, bin bi minim nibep niŋel, yidek gek, niŋ tep ginigal. Nibep minim tari rek ag niŋnigal, kirop pen ag ñi tep ginimib.

Pol Ticikas Onesimas bi omal kirop ag yokak

⁷⁻⁸ Mam midmagil cin Ticikas, yad Bi Kib nop wög kilis gipin rek gip ak, ag yoken ninigab. Ne midebim sinak amil, yad titi rek gi midebin ak nibep ag ñek niŋil miñ miñ ginimib, agil, ag yoknigain. ⁹ Pen mam midmagil cin Onesimas, bi nibi ke ak, Ticikas eip ninigair. Onesimas ne ak rek nep, yad Bi Kib nop wög kilis gipin rek, ak rek nep gip. Amil, tap tari tari sin aul gip ak magilsek nibep ag ñi tep ginigair.

Pol minim ag dai juak

¹⁰ Bi Aristakas, yad eip miñ midobir ak abe, bi cin Mak abe nibep, “Midebim?” agebir. Mak me, bi cin Banabas nimid ne ak. Bi nibak nep ned minim yokil agnek, “Nop piyak sinak amjakek di tep ginimib,” agnek. ¹¹ Bi cin Jisas, yib ne alap Jastas apal ak, ak rek nep nibep, “Midebim?” ageb. Bi Juda omal nokim nib okok me yad eip wög jim ñil gipin. Juda ognap yip gos ke ke niŋil

wög jīm ñil ma gipin; kīri yakam nep yad eip God bin bī dīl kod mīdenigab mīnim tep ak ag ñibin.

¹² Bī nībi Epapras, Krais Jisas nop wög gip ak, nībep, “Mīdebim?” ageb. Ne per per kīlis gīl nībep God nop sobok gīl agip, “Kīri gos ognap ma nīñil, Krais mīnim tep ak nīñ dī kīlis gīl, nop cīg tep gīl, nak agnīmīn rek nep gel amnīmīñ,” ageb. ¹³ Udīn yad ke nīñil nībep agebin, Epapras ne kīlis gīl nībep wög gīl, Leodisia bin bī kīrop wög gīl, Hirapolis bin bī kīrop wög gīl geb.

¹⁴ Pen bī tep cīn, soi ñon gep bī Luk abe, Demas abe nībep, “Mīdebim?” agebir. ¹⁵ Ai mam taun kīb Leodisia mīdebal okok, bin bī apīl bin Nimpa karip God nop sobok gīpal okok kīrop magīlsek, “Pol nībep, ‘Mīdebim?’ ageb,” agnīmīb.

¹⁶ Nībep mīj yokebin aul nīñil, ñem amek, Krais bin bī Leodisia mīdebal okok ak rek nep nīñnīmel. Pen Leodisia bin bī kīrop mīj yokpin ak, nībi ak rek nep dīl nīñnīmīb.

¹⁷ Pen Akipas nop agnīmīb, “Bī Kīb wög nep ag lak ak gī dīnīmīn,” agnīmīb.

¹⁸ Yad Pol, mīñi ñīnmagīl yad ak ke, mīnim dai magīl aul ñu kīl tīkebin. Yip sen dīl mīñ kīlis līpal ak, yip sakōl ma gīnīmīb. God nībep yīmīg nīñil dī tep gek, mīd tep gīnīmīb.

MINIM KOMIN
The New Testament in the Minimib dialect of the
Kalam language of Papua New Guinea
Nupela Testamen long tokples Minimib long Niugini
copyright © 2008 Wycliffe Bible Translators, Inc.

Language: Minimib (Minimib dialect of Kalam)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files dated 9 Oct 2020

c3b0a7e5-6c23-5e97-9419-62054c911996